

Patrie dal Friul

DIREZION e AMINISTRAZION: UDIN, Contrade di Prampar 10, Telefon 2618; GURIZZE, Vie Crispi 2, Telefon 187
ABONAMENZ: par un an in Italie 700 francs; fûr d'Italie: 1400 francs

LOGICHE E PULITICHE

La logjche e la pulitiche 'e fasin part de filosofie, juste come che la piore e il madràc o il polèz e il vidul 'e fasin part de bestiolgie, e la mèniche e la burale 'e jèntin te botaniche.

Cui che no si fos inacuart prime, al pò inacuarsi cumò, tignint daûr es polemichis sul cont da l'autonomie furlane.

Il deputât T. Tessitori al à publicât un documentari par mostrâ lis tapis che à fat la quistion de Regjon Furlane, d'in chò volte che je stade dismole, fintremai al ricognossiment da l'Assemblee Costituent. Na plui di dut par mostrâ che lui personalmentri « nol à mai bandonât il prin agâr e ch'al à stât simpri fedel a chês diretivis ch'al veve segnadis ancjemò tal lontan 1945 ». In realtât — lassant di bande l'imputanze storiche de documentazione — a lûi la premesse di chel libret si capissin altris cjosis: che l'alit da l'autonomie furlane, scaturit des uacadis di quatri siei compagus di profession, al à pore di jessi lât masse indenant e al cûr di scusâsi e di fâ capî ch'al à fat ce ch'al à fat par no piardi dut, e s'al fôs stât pussibil, par so cont, il Friul al varès vude nome l'autonomie normâl; e che tai ambienz « responsabij », falsant la realtât de nestre situazion etniche e i numars des statistichis, si intindarès di ridusi dute la specialitât dal nestri statût regionâl a una sedon di panadute Jamie.

Sul proposit de fedeltât dal ou. Tessitori es sôs primis diretivis, a giudicâ de so opare, si pò ricognossi che in definitive l'â mantignude (il procès 'es intenzions nol è afâr nestri), ma il libri ch'al à publicât al fasarès nassi qualchi scrupul in contrari. L'autonomie, come che lui la veve deliniade in chel biel studi publicât su « Libertà » il mêis di lui dal 1945 e come che la spiegâ ançe dopo in divarsis occasions, no je chêt autonomie normâl che la Costituent 'e à smolat obtoirlo collo es regjions italianis. Nome cum tun statût particulâr si podarès chuncje rivâ a chêt misure di autoguvîar regionâl che il deputât democristian al veve disegnade quan'che nol jere ancjemò ufizialmentri democristian; ma cun tun statût metût jû cum man salde e risulade, cence che trèmin i zenoi o che s'imbramissin i dêz. E cheste 'e sarès veramentri coerenza.

Noaltris ch'o sin talmentri « in re publica jejuni, ziuns di pulitiche » ch'o lin nome daûr de logjche, cence adament es contingenzis, 'o resonin cussì: o cheste autonomie regionâl 'e je un ben, come che sostegnin i republicans e i demo-

cristians; e alore plui and'è a miôr al è: il ben nol va mai parsore. O che je un mâl, come che mostin di crodi i «ultra», e alore 'e va metode de bande dal dut e si à di adatarsi a chêt cjastronario anacronistiche, camoristiche, vergognose che je la burocrazie amministrative dal guviâr talian, anzit dal guviâr fascist.

La misure plui largje o plui strete dal autoguvîar regionâl no à nissune influenze su l'unitât pulitiche nè su l'economie gjenerâl, nè su la difese terrioriâl, nè sui rapuartz cun altris Stâts, parçò che chêtis quistions 'e rêtin in ogni cûs di competenze dal guviâr centrâl. Lis pôris dai nazionalist' gurizans e postrans e duc' i lôr re-

sonamenz, se no dipèndin di interes personai, 'e dipèndin di une crisi sintimentâl causade de situazion di uè: nè noaltris, nè Rome, nè lis mozioms, nè lis dimostrazioms bagnadis di sanc, no podin puartâ rimiedi a cheste lôr fiere. Il timp la varirà o che ur darà reson, ma nissune limitazion des prerogativis autonomistichis no po' zovâur e nissun slargjament nol po' fâur dam: cui ch'al à frapât un poleâr al è dibant che si fassi il zerneli.

E alore, secont la logjche, nol è il parç di domandâ perdou a di nissun, nè di scusâsi deuant di qualchi cenerit voltebandieris, nè di zedi teren te campagne po nestre libertât. Al sarâ, salacôr, convenient secont la pulitiche... Ma alore no si à di fevelâ di coerenze e di « agârs ».

Une pagine di storie de Sclavanie

Lis "Bancjs", di Andri e di Mers

Cui sa se i avocaz, nostrans o forest, che fasin il cjadalidial cuintri lis modestissimis pratêis autonomistichis de Sclavanie 'e cognossin une paginute di storie dal dirit che — lassant di bande lis contingenzis pulitichis — 'e varès di interessâur almanco come culture?

Si trate di chês istituzions juridichis e economicis che tai ultims tîmps de republiche di Vignesie si clamârin « bancjs » di Andri e di Mers, e prime 'e vignivin nomenadis Comunitât, o Contradis: istituzions di savôr autonomistic net e sciet, che puedin vè la lôr lidris ancjemò te storie dal Patriarcjât e che sot di Vignesie 'e rivârin adore di formâ la lôr filisunie speçâl, mantignint fintremai a un secul indaûr.

La Sclavanie autonome

Cence là a sbistâ tes fumatis da l'alte antighitât, induâ che je intrigade che si puedi cjatâ un eja-vèz sigûr, si pò almanco crodi che ta l'ultime etât patriarcâl la plui part dai pais de Sclavanie furlane 'e fassin libars di ogni juridizion feudâl e che, se in qualchi misure 'e dipenderin de Comunitât di Cividât, chêsche dipendence 'e fôs piost largje e limitade midiant regulis particulârs. Rivade ca, dal 1420, la republiche di Vignesie, e stabiliz i siei cunfins cu l'Imperi sui pàs dal Pulfar, di Luic di Cîmaz, di Clabuzzâr e di S. Culan, ai abitantz dai Cjanai dal Nadison e dal Erbèz al fô ordenât che suis laboribus et impensis 'e vessin di proviodi 'e custodie e difese di chei cunfins, tant in cûs di vere che in cûs di malatîs contagjosis; e in vîste di chêt siarvizi 'e restassin libars di dutis lis tassîs, i dazîs e lis contribuzions al guviâr de Serenissime. Anzit in divarsis occasions, massime dopo la mitât dal '600 il guviâr stes al declarâ che i cjanai de Sclavanie 'e jerin diseparâz e indipendenz tant de juridizion terrioriâl di Cividât, come di chêt de Patrie dal Friul: e ta l'ultime terminazion che reste su chêt cont (chê dal 2 di avril dal 1788) il Senât di Vignesie

al dis che la Sclavanie si governave di besole « come une nazione differente » distacade dal Friul ».

La difese dai diriz

Si capis che par mantignî chêtis condizioms privilegjadis, chêtis « sensions, chêtis imunitât — ai ven a jessi chêsche autonomie — massime deuant di Cividât, lis popolazioms di chei pais 'e verin simpri il lôr dafê e un grum di voltis 'e sanguvin ricori a Vignesie, cun letavis, supplicis, protestis, mandant « or rappresentanz a difendi i lôr diriz; anzit chêsche ricors 'e coventavin tant dispes, che tai ultims tîmps 'e fôs stabilide une rendite fisse pes spesis di difese, calant di mîez dezin la misure ordenarie dai local di un che si venderin tes ostariis, cence carâ si prest ai aventôr: il valôr dai mîez dezinon al lave 'e casse de Sclavanie, par pajâ i viâz e lis spesis dai rappresentanz a Vignesie: cussì la difese dai diriz 'e restave su lis spalîs dai cjocheis.

"Viziananzis", e "Bancjs",

In duc' chêsche secui il autonomie la Sclavanie 'e jere dividude in «antis e viziananzis» formadis dai parîs di famêe di ogni vilè; e ognidune 'e sieizere il so «dean». Lis «viziananzis» dai Cjanai dal Nadison, 'e formavin insieme la «viziananze grande» o «bancje» di Andri; chês dal Cjanai di S. Le-nart 'e formavin la «bancje» di Mers. Ognidune des Bancjs 'e veve il so «dean grant» o sindic; e i «deans» di dutis dôs lis «bancjs» 'e formavin insieme l'«Arengo» de Sclavanie che parâltri si unive di râr e al tratave nome qualchi afâr di interes gjenerâl: fur di li, lis dôs «bancjs» si distrigevin di bessolis. La «bancje di Andri» si unive a tôr de «lastre» di Tarcet; chêt altre, intôr de «lastre» di Mers; quan'che si univin dutis dôs in Arengo, 'e vignivin par solit sot i tejs de gjesie di S. Quirin. La «Bancje» tes sôs riunions 'e nomenave il so «dean grant» o sindic, il canzillîr, il riferent, il cassir e vie indenant, 'e stabilive duc' ce che si riferive 'es «steuris» (tassîs vizianâls), al ordin public, a l'amministrazione dai prîz, boses e passons

I fax di Gurizze e di Triest

Un speli a puartade di man

Si varès vude voo, in chêtis zornadis, di di une peraule almanco di simpatie ai fradis furlans di Gurizze e dai pais di lunc fûr dal Lasinz e a chei tanc' che an plantade la lôr tende a Triest, o tal teritori ch'al reste fûr dai gûfis cunfins. Gurizze e il Friul Orientâl 'e son part de Furlanie; Triest al è cull dongje: al è la grande ziait plui vizzine par buine part dai Furlans; e dal distin di Triest al po' dipendi ançe chel de nestre tiare. Dimentesî di cheste realtât nol è pussibil; stâ ejdins a cjâlâ ce ch'al nâs su la puarte di cjase, in tun moment come chêt, 'e je une cjos che po' vigni cjapade in male part.

Ma nol è di di che a noaltris no nus impuarci nuje di ce ch'al sozzet cul dongje: nus impuarce une vorone, e i stin daûr: 'o

lein i sfuejs di un colôr e di chei altri, 'o domandin a chei che an vedût cul lôr vîj, 'o stin in scole. Ma nè chei di un colôr nè chei di chei altri no nus ricognossin il dirit di sinti ançe la cjampane contrarie, no uelin savè che si meti in dabi une peraule di ce che disin lôr, no nus permetin di fâ come che fasin lôr, ch'al ven a jessi di cjâlâ lis robis de nestre bande. 'O varesin di meti i parevoj e di viodi dut de lôr bande e baste: 'o varesin di urlâ cîrio o abàs come che urlin lôr, 'o varesin di viodi in ognî sclet un titin o in ogni talian un fascist, o varesin di cjapâ in man bombis o bastons e metisi ai lôr ordins. E se qualchidun al prove a dîur une peraule resonade, a dîur che je ore di finîle, i rispundin juste come j canals che si pithin su la strade: — Al à tacât lui!

Tacât lui o tacât avost, une di o l'akre al tocjarâ finîle e plui si la tire a lunc e plui racladis si cjâpin a plui velen s'ingrume ta l'anime, cence fâ un pàs indenant.

La veretât 'e je che no an tacât ne chei ne chei: al è qualchidun altri, di ca e di li che ju shurte un cuintri dai altri; ch'al sofle tal borèz e si ten indenat: 'e je la vecie mentalitât, il tuessin nazionalist che ju intossê al servizi di altris interes o di altris poris che si scindin daûr lis bandieris dal «antifascismo» o de talianitât. E alore al è dibant resonâ cul vîz e cul uarp.

Ma ai furlans di chêt 'o podarin fevelâ: 'o podarin mostrâ chêt esempi, chêt speli e dîur: Stait atenz che par chêt strade si rive in chêt plazze!

Cressûz i cadreghins a Rome

Fintremai chêt altre di, in Italie al jaserê lis lez un sbl. Di chî indenant 'e sarân un mîas a fâlli: une parlament di too deputêz e un altri di tunc e tunc senatêrs. Mari vergine, ce sglavinadis di discors, e ce vîtis prime di strucjâ fûr une lez! Al ven a jessi che ai talians si varès di metiur un metro te sâchete, parçò che, a voli, no son mai bogn di intizâ la misure juste.

Sis-cent deputêz, sis-cent lontanis di eloquenze pulitiche, sis-cent vulcans di peraulatis, sis-cent bielîs indenatâz di pajâ! And'ere avonde di mîez.

Cu l'aprovazion des autonomis regionâls une vore di afariz « di rognis » 'e pæssin par competenze dal Parlament centrâl ai Consejs des Regjions, e il lavor des Cjamaris al varès di calâ une tonite, come ch'al varès di calâ chêt dai ministeris. Biel timp! Si sta tant ben sui cadreghins; e Pantaloni al pae!

Cussì mo' si capis subite cemut che tra duc' i partiz 'e je stade une concuardie edificant tal rotâ l'articul de Costituzione ch'al puarte a sis-cent i scagnûz di Montecatori. 'O scomenzin ançe nâ a capî un fregul ce che je la democrazie.

MALISTAR

STOMBLI

FURLANS, ATENZIONI!

La proprietât des aghis publichis

Lis aghis publichis e l'economie di doman - Lis nestris risorsis e il capital forest - I dâs dai implanz idroelectricis - Il dirit de Region

Duc' i moviment autonomistics de l'Alte Italie, ch'al ven a jessi dai pais di cunfin, che son pais di montagne, 'e batin il claur de proprietât regional des aghis publichis: e lu batin une vore plui a fuart dai Furlans. In realtât la quistion in di di uè 'e a plui impuartante pal Trentin, pe Valteline, pe Valdoie che go pal Friul, perchè che là i implanz idroelectricis 'e an un svilup cence confront plui impoient che no cûl, e a ch'è industrie 'e son leaaz in cjadene un grup di interes. Invezzi in Friul, se si lasse di bande lis grandis centrâs di Montreuil e ch'è in costruzion a Dimpez, 'n vin quasi nome turbins implandis par cont di qualchi stabiliment e aziende locâl o par furni un freghul di lûs a qualchi zone limitade. Ma ce che nol è in ativitât al è in possibilitât. La produzion di fuarce electriche 'e je la clâf di dute la nestre economie di doman, il fondament de plui part des industriis, e il sfrutament des risorsis idricis al è distint a svilupâsi ogni di plui.

Chestis risorsis te nestre Region si po' di che son ancjemò inesploradis. Sul cors de Felle, che je une aghe di buine puartade, di andament avonde costant, di fuarte pendence e di fazi sbrament nol è nissun implanz; la But, il Dean, il Tajament, la Tôr, la Livence, l'Arzin, midiant la costruzion di qualchi agion di riserve 'e puedin nudri turbins di fuarte produzion. Ce che nol è ancjemò fat al podarà vigni fat in curt e si capis ch'al sarâ mitât in vore anse il capital forest pes dibisugnis di altris lûcs, come ch'al è stât fat prin di cumò. La quistion de proprietât des aghis

e la legislazion des concessions e dal sfrutament 'e a duncje la sô impuartance anse par nò, pal doman de nestre Region.

L'industrie idroelectriche e i siei implanz 'e puartin cuu sê anse dâs e servitûz al pais: terens espropriâz par fuarce e a cundizions arbitraris, alterazion dal «paesaggio» cun costruzioni cence caratar e cence gust, cun fongheris di traliz e di pâl, cun tiesidaris di fij, che son curisticamentri une brutture, pe viabilitât un intric, pe popolazion dispes un pericul. E, di ch'è altre bande, la bondanze des aghis no è nome un regâl dal cûl, ma anse une consequenze de buine conservazion dai boscs, de sistemazion dai rivi, de costruzioni di ripars, di rostis, merit e spese de popolazion locâl.

E alor nol è just che il capital forest al vegni in cjase nestre tan che un paron, ch'al dopri chestis nestris risorsis cence nancje voltâsi a domandâ «compermesso», ch'al rompi, ch'al taj, ch'al sbusi, ch'al drezi, ch'al sturzi cul permes di... Rome n di Vignesia, ch'al puarti ca il so personâl, ch'al fasi duc' i siei comiz par lassâ magari il pais cence lûs e cence fuarce ogni volte che capite un freghul di magre o ogni volte che j torne cont a siarvî altris regions.

La Region 'e a di vè il dirit di meti i siei pâr, lis sôs cundizions e la sô sgrife in chestis fazendis, e la sperienze des altris valadis alpinis, che uè 'e reclamî il ricognosciment dai diris di proprietât su lis lôr aghis 'e a di siarvî di insegnament e di spieli anse par noaltris.

Lagrimis e bussadis

Il Congres de Societât Filologiche a Tarcint

Ce strasserie di bussadis al Congres de Filologiche, il 28 di setembar! Bussadis ai talians, ai triestins, ai gurizians, bussadis di ca e bussadis di là: s'al fos capitât il Neghè Neghesti lu varessin alapagnât anse lui, su chel palc de sale Margherite. Ai furlans 'e baste mieze tazute di Ramandul par che si ur diamoli la suste!

Noaltris 'o jetin lûs a Tarcint cu l'intenzion da là dopo, su pal stuej, une bieles relazion di cheste sagra di Furlanie. Nus jere, anse a nò, dismolade un freghul la suste dopo l'ultin o.d.g. de Filologiche.

Invezzi no contarî nûje: no si slatin di fevelâ cuntri stomi, e di ch'è altre bande no vin vœ di disgnâsi cun tanc' nestris bogn amis.

Ma non podin tasê une robe: la Sezion Guriziane de Filologiche, dopo une adunanze, 'e veve scrit 'e presidenze che varès cjapade part al Congres di Tarcint, a pat che nissun fos saltât fûr a quistionâ di autonomie, parcè che a Gurizze su chel cont no son duc' di un pinsir. E i furlans di ca 'e an lassât di bande vultintir chel cantin. Ma alor, parcè mai nu carampan disdenteat di là vie esal vignût sù a ripeti lis solitis cjastronadis, lis solitis denunzis cuntri i autonomisc', lis solitis acusis plenis di patriotic velen cuntri di duc' i sclas

e cuntri di dâs lis lôr aspirazions! Par cont nestri 'o angurin a l'av. Pinausi (e a duc' chei che j an batutis lis mans) i agn di Matusalem: cui sa che in tant timp no rivi adore di madressi anse la lôr melonarie?

Ativitât del M.P.F.

Qualchi concessione pal Concors dai Mestris

Il Moviment Popolar Furlan, come ch'ò vin vût indiment, al veve fat un ricors al Ministeri de publiche Istruzion, a favôr dai mestris furlans che fasin il Concors tes nestris scuêlis, e che vignvin a cjatâsi malamentri in confront dai forecs parve de severitât dopradetes nestris scuêlis su lis classificis di abilitazion. Par tant ch'al pâr e che si a savût da Rome, il reclam al è stât scoitâ, almancul in qualchi masure, e i ponz di meti in graduatorie pai residenz in Friul 'e saran cressût e chei calculâz su lis classificis dal exam di abilitazion 'e saran calâz.

E, za che si fevelâ di Concors, 'o vin savût che i nestris deputâz a Rome 'e trataran anse par otgnî che lis condofis comunâls par miedis, vetrinaris e comaris 'e vegnin rimandadis futremâj ch'al sarâ in funzion il Parlament Regional.

I republicans furlans e l'autonomie special

I furlans dal Partit Republican 'e an fate, dônnome stade, une assemblee straordinaria, indula che an tratât su l'ativitât dal Consej Direttif e fatis lis votazions dai gnûs

Il gjalut sul cjaminut

* «Fecellin dal leonfant» al è un libri peverât di Leo Longanesi, indula che no si fevelâ nê ben nê mâl dai «pachidermi» ma si fevelâ une vore mâl di Napoli. Un tal Carl Criscio — di Tarriv? — sul «Merlo Giallo» dal 18 di set., al strasse mieze pagjue a struçjâ fûr insolenzis cuntri chel autôr. In dute ch'è mieze pagjue il struc de tabajade si ridûs a dôs ideis. Prime che il Longanesi al a giolâ l'ospitalitât di Napoli; seconde che a Napoli al è malamentri, la colpa 'e je dai bombardament e dal guviâr che nol pense a tornâ a metilu in pîs (ma lis cjavalis di nanki cemût fasiel il guviâr a metili in pîs?) Sul cont de l'ospitalitât, 'o disarai che une di, za lunc' agn, 'o soi stât ospitât intant di un burilaz, da un degiamaz abissin: ma par chel no puer di che la sô femine 'e fos bieles, nê che la sô cjase e fos nelo, nê che i siei fruz no vessin il parer... E sul cont dal guviâr, 'o disarai che se dute l'Italie 'e res spielâz i macarons come che ju spîlin i circumvesurians, dute l'Italie 'e sares anse sdrumade e circumvesuriane.

* I sjeus 'e contin che un proprietari di Magnan, ch'al vares cîrât di salvi dal amâs qualchi centenâr di quintaj di forment, al a cjapade une multe di quasi trete milioni di francs, un an di prison e sequestrât il forment. Benon: ma che provi la polizie anonarie a dopri chesti sisteme fûr di chenti, in Lombardia, in Piemont e massime di mîr: in jû: il Ministeri des finans nol savarâ dula meti i milioni e al podarâ mendâ in licenze per un piez dute la polizie tributarie e siarâ lis esautoris.

* Il «Messaggero Veneto» (23 di set.) al è in pinsir pal distin dai «commercianti clandestini» quan che lo lôr ativitât 'e scugnârâ fûr. Sane nol è brît di vetris e cheste providenzial categorie 'e je par tre parz di venti jû... Puars cabibos, ce dâl se doman 'e scugnaran lû e vore! Dopo dutis lis bidenadis che an cjazzadis tes cuestis ai dordei di dute la penisule, no je une vœ — fûr di ch'è dal «Messaggero» — che si alzi a ricuardâ lis lôr benemerenzis! Parè no si varressial di viarî une sottoscrizion par fûr un freghul di monument in Piazza S. Jacum o almancul une pîese sot i puartis dal Munizipi, in memorie di cheste benemerite gjanazie?

Consêrs.

In cheste ocasion al è stât aprovat a l'unanimitât un o.d.g. indula che la nestre Sezion Republican 'e tace a esprimi la sô plene adesione a l'autonomie special dal Friul, protestant cuntri il vôt contrari formulât da l'Assemblee Regional de Federazione Venete dal Partit Republican, e asserant che chest vôt, presentât come espression de maggioranza furlane, al è contrari al prinsipi democratic di autodiscision, parcè che ur toje ai furlans di jâ cognossi il lôr pinsir sun tune cjase che ju riarde diretamentri.

Discorin tra di nô

M. B. Per.

'O scrivin Bas Tîrôl, come che si dîs Alte Italie e Basse Italie, seben che l'Alte Italie 'e je formade in gran part di une planure e la Basse 'e je pœ o trop su lis monz invezzi da l'altimetrie si po' cjâlâ anse la latitudine, e si intindis istes. Dal rest no je vere che il Bas Tîrôl al sedi plui alt di chel di là dal cunfin (Bolzan m. 262, Meran m. 324).

Un'altra espression furlane, plui adate e plui juste no savin cjatâle: Sudtîrôl 'e je une composizion di net stamp todesc, che des nestris

bandis no regne; Alt Ades, — come che nus insegne Lui — no a nancje l'ombre di savôr furlan, parcè che par furlan nol esist il non dal «Adige», e po' si trate di une espression taliane creade ch'è altre di, cun criteris e intindimenz che no nus vadin a square. Lis perantis 'e nassin e si spandin di bessolis, secont lis lôr lez misteriosis: al è dibant che l'autoritât pulitiche si meti tal cîf di comandâlis. Nancje tai lengaz des popolazions di ch'è ragjon l'espression taliane no a fate furçune, indula che je invezzi entrade la derivazion daesina (Altoatesini) par indicâ i abitanz dal Bas Tîrôl.

Cussî par cont dal Trentin: nuncje se lis autoritât austriacis 'e an cîrât une volte di cjapâ dentri la region Tridentine cul non di Süd tirol, nol è zovât nûje: il Trentin

nol è mai stât todesc e nol è Tîrôl, e i Trentins no si son mai lassâz clamâ südtirolês.

«Africadis» al è un tiarmin dal lengaz fonetic, ch'ò seugnûn doprâ par fuarce, in mancanze di une peaurle furlane che corrispuindi; al ven dal latin *affricare* (ad-fricare) ch'al al di freolâ (p. t. stropicciare) e si lu dopre par indicâ lis consonantis sibilanz plui aspris e strissinadis, massime ch'è che i franzés 'e scrivin ç o ch, i inglês sh, i todescs sch e i talians sc' (in scemo, asceta) e par furlan si la sint dispes tes varietâz de Cjargne, ma no si sa cemût scrivilo.

Lui al è paron di scrivi tant ch'al al duc e poch, impi di duc' e pœ: baste che nol pratiudi ch'ò scrivin anse nò cussî sul giornâl. E ch'al stej atent che vadi al al di: al po' jessi, forsit, salacôr (p. t. forse) e no vule a dire, cioè, gerla.

Furlans!

BIRE MORET

Cul famôs D. D. T.

L'unic disinfetant che nol magle e ch'al zove 'o podais copâ dutis chês bestentis che us tormentin.

Lu cjatais in scjatalis, gienuin merican, in liquit e in polvar lâ di

CRIVELIN & C.

Drogarie in Piazze dal Gran n. 9

UDIN - Tel. 37-17

TREVISAN

Machinis par scrivi e par calcolâ
Accessoris - Riparazions

Contrade di S. Francesc d'Assisi 1a - Udin - tel. 6-04

TINTORIE LAVADURE A SUT

COMINO - Udin

Lavatori: Contrade M. S. Michel 7 - tel. 18-52
Negozî: Rive Bartoline, 7 - tel. 14-19

Qualunque lavôr di pulidure a sut e tinture su piezzamente e vistiz
Si rimetin a gnûf cjaplej di omp - Lavôr ben fat
Consegne in pœ timp.

A TRIEST

Tratorie dai vecjos cjazzadors

(Agli antichi cacciatori)

Vie Crispi, 5

Il locâl preferit dai viazadors

ai mangje pulit e si bēf benon
presis moderâz

Proprietari Ciprian Toffoli (furlan)

LUNARIS SOT LIS STELIS

Parsore des stradis gris di che-
ste tiare 'e son lis stradis di arint
dal cfl, dula che i puars omeniz
'e menin qualchi volte a passon
la lor anime.

Cul prin scur s'implin lis primis
stelis. Al e biel sentesi a cjala il
cil sul rivai di un rojuz dula che
il crot al sberle paroc che - pu-
rin! - nol rive adore di ve pas cun
chel zuc che l'aghe e la lus 'e fa-
sin ali.

Si cjale, si scole, si pense. La
tiare 'e fevele cu la vos de gnot
e cun che dal infinit, dula che no
si viodin pizzui e ridien, dula che
lis nestriz sbiadis di ogni di, la
nebre ande e la nebre supiarbe 'e
an il pes di grignel di pulvin tal
beur. Puare int 'o sin, cul nestri
sberla a fuert lis nestriz imputions,
cul nestri ole fa cuss e cula, cul
nestri odeasi cui sa mai paroc, cul
nestri grant dafa par ve reson, di-
amontant che 'o vin nome quat-
dis di vivi, e che si e miz a intos-
ceju cun tant velen.

Cuss, a voltis, il cur nus mene a
passon su lis stradis dal infinit dula
ch'io imparin a cognossi la nebre
vere statore. Al va ben cognossi la
nebre miserie paroc che ven vde
di jessi bogn cun no e cun che
altris. A jessi bogn al e nome il
cur ch'al vif une so vite fate di
vivi su la strade des stelis.

Cjale ve! sul rivai dal rojuz il
cil al tache no dai sei suoi!...
I comparis denant un fogolar: chel
fogolaron dai alders, dula ch'al
podars arch muez quinti di lens
in tune volte. Al e la, tra lis e scur,
e - cuss! mai cemut - nol a nis-
sun ator.

Un gran fuzaron, cence lens ne
nuje, dut in tun moment al s'im-
pie di borsol e al art, al art... La
nape si sfante, si sfarin i mris,
e lis falcis che si jevin si, 'e van
cence distindisi adalt, adalt, fin las-
sù des stelis... e no si confondin
culis stelis che son d'arint, ma 'e
restin dal color d'aur inluminat dal
foc... E ve che 'e tacin a metisi
in rie tal cil, segnand une strade

lungje lungje... Cumò si fermis, si
sfantin e, dula che jere rivade
l'ultime scie, cumò al si e impiat
un splendur plui grant dal soreli
cun tune corone di stelis ator ator.

'O disbassi il cjm sturnit e no
viot plui ne fur ne fogolar, e mi
inacurz che l'aghe dal rojuz, che
prime 'e copre scure e cidine, cumò
'e galope legre, vistude di nul
colers cjantant come un coro di
agnui. E la plagne s'inlumine e i
lens 'e flurissin fasint de tiare un
zardin maraveda... Al sarès biel
cjapà un di chei stradons blancs,
cui arcs di rosos biancis e rossis, e
sentesi sun tune bance a scoltà i
necluz che cjantin te lùs di chel
astri ch'è a i colers dal arc di san
Marc.

Ma lis alis dal cur si strachin:
une cjampane 'e tache a sunà a
planchin: do...man, do...man...

Doman!... Doman come prime.
Salontasi un'altra volte l'anime di
ledan, sberla, odeal!

Lis alis 'e molin e la cjampane
plui a fuert 'e fas: doman doman!...
Al vignarà doman!

LELO

p. B. M.

Une peraule su la liende slave di Sant Antoni

Sul cont de cjante popular di Sant
Antoni ch'al svarbe il diut, publicade
sul n. 25 di chest gjornal, 'o cjan che si
trate di une liende che comparis in ca-
e in la te produzion folcloristiche di di-
viars lùcs anje in Italie. Nol covemo di
che ogni redazion 'e a lis sôs diferenzis,
'e je plui lungje o plui corte e anje il
pragmatist nol e s'imperi chel, ma di volte
in volte al e Sant Antoni o San Giulian
(te lezion toscane e marchigiane) o Sant
Alessi (te lezion romagnole) o San Fabian,
o sante Ursale, o sante Barbara. La cjan-
te 'e je riparatade in altre lezion slave
ancje dal Shtrekelj te so grande racolta
des Cjantis Popolairs Sclavis (Slovenske
Narodne Pesmi). No sai, inverzi, di velle
mai s'imude in Friul, ma al po stii che
qualchidun di chei che s'interessin a
particolar di demopsicologie al sepi di ale
in merit. Lis diferenzis tra lis lezion ta-
liane 'e son registradis da Milko Ukmar
in un studi de riviste Dom in svet (ana-
de LII, n. 7, Lubiane 1940) intitolat:
Nove ameri raziskovanja slovenskih ljud-
skih izročil in Lepa Vida.

La lezion cjapade su a Montfalcone e pu-
blicade cull 'e interesse paroc che je am-
biante te nebre region (si fevele de
"scuole di Udin", dal baston tajr su
pe cuestas de mont) e anje pal so sa-
vor di amichit che si la slar paroc e
massime ta l'espression "palko romar-
sko" (baston di pilgrin ch'al va a Rome
a pii).

I libris di scuele

Padron Nanni e Massaja Nena - Une balute di sponge -
Silabaris e leturis pes scuelis furlanis - Miôr alc che no nuje

Quan'ch'o lavi a seuele publi-
che, in cun dai pais plui grues de
Furlanie, no mi e mai capitât di
jessi mitât tal banc dai mûs: anzî!
Cun dut achest, mi impensi s'imperi
che no rivavi adore di capi cemut
fai che Padron Nanni al fôs un
puar fitul, cemut che la Massaja
Nena inverzi di fâ la massajie 'e fa-
sès la parone e cemut che i puars
contadins, sentansi ator dal desco
a mangiâ la bocjade 'e vessin sim-
pri pes mans un tozzo di pane impi-
di une fece di polente e di une scie-
se di formadi, e il prin dal an, al
fruz 'e capitâz la strussa e no i
"slops". Lis pituris che jerin sul
silabari o su la "leture" mi mostra-
vin ambienz, impres di lavor, vè-

stiz, glescutis, paisiz che no'ndi
veni mai viodâz di ch'fate e ogni
di 'o scuquiv tormentâ mè mari
par che mi spiegâs ce robe che jere
La maestre, une balute di sponge,
grintose e sprofumade, cun tun
zamar di cjavei neris e d'os... giber-
nis monumentials, 'e fevelave cui
dinc' starâz, cu la lenghe tacade
tal cil de bocje e cu lis manutis che
saetavin di un cjm al altri de scu-
le; e cui capive unje?

Be' cul timp 'e cu la ploe 'o sai
rivât a laureâmi istes, midiant che
no lavi mai tal banc dai mûs, e che
mè mari - che saveve jaste lej 'e
scrivi - mi judave a sclari lis ideis.
Cumò 'o capireis paroc che, da-
spò di vè lei su pai sfuejs che i

libris di scuele di chest an 'e son
ambiantiz in Friul e anje 'e conte-
gnin qualchi fruzzon di culcure re-
gionâl, mi soi butât di buride in tu-
ne librarie a dâur une oimade.
S'o disis di jessi restât sodisfat, 'o
disarès une bause. Tal libri di letu-
re di prime 'o ai cjatade ufe piture
dula che si viot un di chei fogolârs
furlans che son aromai une raritât
in qualchi ostarie "caratteristiche"
o tes cartulinis cu la "Carla pitto-
resca". E nuj'altri o quasi nuj'al-
tri.

In chel di seconde, un altri fogol-
âr di chel gjenar e qualchi inlu-
strazion cun tune glesie o un tôr
di filsumie nostrane pitost lamie
e amamide.

Chel di tiarze no lu ai cjatât. In
chei di quarte e di quinte lis pituris
di E. Mitri 'e sarassin avonde am-
bientadis, ma tal test, di furlan 'o
ai cjatade juste qualchi mize pag-
ne su la fuarteze di Osl, sul simi-
tieri di Aquile, su la cavalerie di
Pozzûl e cet.: al ven a jessi lis soli-
tis lujanis (p.t. luoghi comuni) o
un freghezin di bruede nostrane
passade di sfors cul passepartut pa-
triotic e nazionalistic.

Poben, pazienze: miôr alc che no
nuje. Se no altri 'e je stade cjata-
de la strade: un pœ a la volte, se
lis cjosis 'e laran pal tôr vjars, si
podarà fâ qualchi altri pas inde-
nant. Si podarà viodi tai libris des
primis classis un fregul dal nestri
mont, dal nestri custom, des ne-
stris robis, che i frutins 'e puecin
caplis. E in chei des classis plui in-
denant, indula che po' entrâ anje
un fregul di culcure, qualchi pag-
nua de nestre storie (ancje di pri-
me dal Risorgiment), qualchi ritrat
dai nestris umign plui inomenâz,
qualchi vedude dai nestris monu-
menz, e magari qualchi puiante
furlane.

E cui sa se, cul timp a jâ, no si
podarà viodi un bon manualut di
culcure furlane (storie, topografie,
lenghe, art, folclôr, industrie) an-
cje pes scuelis secundaris e pes per-
sonis di qualchi leture? Cuss nol
capitarà di sgristulâsi ogai moment
pa "figuraize che mostin, sul
cont dal Friul, giornalise", avocâz,
umign pulitico, mestris e professio-
nise d'ogni fate.

Cjapin cheste provute come une
promesse e spietin cun speranze.

LIE N.

FIRLI

Colone filologiche

Gramatiche minude

La conjugazion interrogative

Il furlan si pô di ch'al vebi, in
plui des altris lenghis neolatinis,
une vere forme interrogative dal
« verbo ». Di cheste forme al e re-
stât qualchi vanzum anje tai dia-
lez vènz (gjavant il triestin), sa-
lacur paroc che in antic 'e partigni-
vin a chel zoc istes (venezian: 'se-
lo?', 'savèu?', 'disel?'; vicentin: 'ghe-
lo?', 'silo?', 'veronès: dove vala?', 'co-
m'ela?', 'c'elo?'); paratri si trate di
formis dopradis qualchi volte si e
qualchi volte no.

Ma par furlan la conjugazion 'e
je complete in dutis formis che pue-
din jessi in tune domande, mancun
qualchi vds dal perfet; e si la fês
puartant il pronon pleonastic dadr
de forme normâl dal « verbo » e
zontanu in maniere di fâ une sole
peraule:

Jo 'o sint — sintio jo?
Tù tu sintis — sintistu tu?
Lui al sint — sintial lui?
Jê 'e sint — sintie jê?
Nô 'o sintin — sintino nô?
Ualtris 'o sintis — sintiso ualtris?
Lôr 'e sintin — sintino lôr?

Come che si viôt, il pronon pleo-
nastic al ven ricostruit intir tal sig-
gular de prime persone e de tiarze
femjâl, indula che te forme nor-
mâl al e smorseât ('o - 'e inverzi
di jo, jê: par chel nopaltris lu-activin
cu la postrofe). E la tiarze plurâl
'e va fôr di strade: nome in ciartis
varietâz de Cjargne 'e je regulâr:
ai sintin - sintinai?

Parakri cheste conjugazion 'e
presente putropis irregularitâz in
consequenze de simazion diferente
dula che ven a cjatâsi la finâ de
peraule: se te forme normâl 'e je
deventade dure paroc che si cjate
a jessi scuviarte, te forme interro-
gative, no jessint plui scuviarte, si
disimole: 'O bês — bevio?; al scri/
— scrivia?; 'O rit — ridio?; al
muart — muardial?

Altris voltis si ricostruis qualchi
letare che jere scjadude te forme
normâl: 'O duâr — duarmio?; al
è — esal?; 'e je — ese?; o che si
risolâ qualchi contrazion 'o voj —
vadlo?; al va — vadial? (ancje:
vâl?) o che si fôrmin altris gam-
blamenz fonetico: al ven — ve-
gnial?; 'e ten — tœgnie?; 'e scuên -
scuœgnie? (ancje: 'e scugne — scu-
gnie?). E te tiarze persone singulâr
masculine, se la forme normâl 'e
jês in e, chest -e si mude in i:
se jês in consonant, al zontj un i:

al puarte — puartial?
al mene — menial?
al jere — jerial?
al crês — crëssial?
al cfr — cfral?
al dis — disial?
al sarès — sarëssial?

Il perfet al e doprât pocât e no
sai ch'al vedi dute la flession in-
terrogative:

'O rivai — sojo rivâl?
tu rivâris — rivâristu?
al ('e) rivâ — esal rivâl? (ese ri-
vade?)
'o rivârîn — rivârino?
'o rivâris — rivârino?
'e rivârîn — rivârino?

La tiarze persone dal plurâl 'e
a diferenzis tra varietât e varietât;
cuss si dis: crodëvina? o anje:
crodëvina? crodëvina? o crodëv-
nan? (Glemone); e anje tal sin-
gular: crodëvial? o crodëvial? (Gi-
vidt).

Tal Friul Orientâl, une vore di
lôr 'e fâsin une confusion malan-
drete tra la forme normâl e ch'inter-
rogative, te seconde persone dal
plurâl; 'e disin: latsi inverzi di:
'o lats (andate); 'e disin: piardësi?
inverzi di piardësi? o piardësi?
(perdeti?).

La forme interrogative 'e compa-
ris ancjemò tal famôs Ces fastu? di
Dante a te cjante « Biello dumlo di
valôr » (Parcè estu tant ardit?) e
tun scuizur dal '400 (ulâ chin na-
stu...?) e tal straviestiment dal Or-
lando Furioso de prime mitât dal
'500 (no sojo jâ...?) e cet. Ma nol
pâr che sedi costant prime dal '700,
paroc che si cjate anje qualchi
esempli di forme normâl tes du-
mandis: Qual vite... fo mai vido-
de? (Missio, 1600); -parcè si deb-
bi di...? (Fistulario, 1600); Dontri
ven? (Straviestiment dal Orlando
Furioso, 1500); Ce jaran ij altris...?
(Jaroni Sini, 1500). E anje nê si
dis qualchi volte: ar al dif; cui al
vignî?, in lûc di: c' uelâl?, cui
uelâl vignî?

p. B. M.

Une contute di lei ai frutins

Al jere une volte un re da l'Indie
ch'al vove une grande indomine di
justizie e di bontât; e lis divinitât
di chel pais 'e pensarin di meti a
la prove ch'estis sôs virtûz par po-
deç dâ un premi.

Alore, une di ch'estis divinitât si
mudâ in falcuz, un'altra 'e cjapâ
la forme di colombe e dutis dês 'e
rivarin cuss te capitâl dal re.

La colombe 'e svolètave dute
spauride in ca e in là, fintremai
che lè a pojâsi sul cjadron dal re
e daspò j vigni sun tun zenoli. Ma
il falcuz, che j dave la ejazze e
che nol jere rivât adore di cjapâle,
al si presentâ dut grintôs al re, cu
la prateche che j consegnâ dal mo-
ment la sô prele.

— Tû, che tu sês just — i disè —
tu âs di dâmile, paroc che jo 'o
âi fan, 'o âi dibisugne di nudrîmi.

Ma il re j rispundè che mai plui
no j 'e varès dade, paroc che lui
al vove il dovè di dinfidi ch'pua-
rie che si jere infidade di lui e si
jere mitude sot de sô protezion.
Alore il falcuz cuss al fevelâ:

— Di une vore di robis si pues
stâ cence, ma no de mangjative.
Ese jo no mangj ch'colombe, 'o

Il falcuz e la colombe

senen muf di fan e cun me dute
la mû famês. Cuss tu, par salvâ
une stupide colombe buine di nuje,
tu fasarassis mufi creaturis inazen-
tis. La justizie che crée une inju-
stizie 'e je perfide carognade. La
vere justizie no pô mai jessi in con-
trast cun tun'altra justizie. Sielz
e dezê tu, se ch'al fasarà mancun
dan.

Il re al restâ smaraveât che un
ucei la savès cuss lungje, e j ri-
spundè in cheste maniere:

— Tû tu ûs vè la colombe par
podè eglonfâti il bultric: s'al e par-
viz di mangjative, jo 'o pues dâ
tint tante di fâti dâ un tom. Ustu
vè cjâr di cjavrâl o di pavon o di
pernis?

— Jo no uei nê cjâr di cjavrâl,
ne di pavon nê di catôr — dissal il
falcuz — jo 'o uei vè cjâr di co-
lombe. Cheste 'e je la lez di nature.

Il re alore al provâ a parferi al
falcuz lis plui grandis riejeziz:
ejasis, palâz, cjamps, boscs, aur e
arint e fintremai une part dal sa-
ream; ma la colombe no j'e rares
consegnade mai plui.

— O re da l'Indie — dissal alore
l'ucei — za che tû tu nelis tant ben
a cheste colombe, metile sun tun

plat de belanze e daspò tze dal to
cuarp tante cjâr che pesi compagn,
e metile su chel altri plat.

— E cuss al sarâ fat — dissal
il re. E dal lamp al tajâ une flepe
di cjâr dal so braz e la pojâ su la
belanze. Ma nol jere avonde, e alo-
re al tajâ altris fetis; ma plui al
zontave de sô cjâr e mancun i doi
plaz si compagnarvin. In ch'volte
il re al si butâ dut intir su la be-
lanze, e il sô cuarp al jere dut
insanganât.

A viodi chest spettacul di straor-
denarie bontât il falcuz al si metè
a zigâ:

— Aronde, avonde, o re ma-
gnific! Jo 'o soi il Din de justizie
e la colombe 'e je la dœe de bontât.
'O sin vignûz a viodi fin dula che
rive la tô virtût. Tû tu sês il plui
grant re de tiare, e la tô gjenerosi-
tât 'e je un esempli tant biel che
sarâ cognossude par dut il mont.

E finide cheste sentenzie, i doi
ucei 'e svolârvin vie.

Agû e agû al podè vivi ancjemò
chel re just e gjenerôs in miez al
so popul che j oleva tant ben; e
cu la sô muart ai quistâ un puest
tra lis divinitât da l'Indie.

LIE N.

Lenghe furlane in Glesie

O glesin a di che in qualche pais e je stude fure la prove di tornà a l'usanze viere, che i predis e faserin i lôr discors par furlan. E a semedi une novità e quasi una strambante, e qualchidun s'al a cja-pade fan che une ofese e so istruc-zion, come se si vès pôre che tes vîs i cristians di nò no capissin ben il talian. Magari in pûros cûs e je cussì, ma chel nol jere dal sigûr il pînser dal predi. Fintremai za trente o coranto agn, cheste e jere l'usanze de plui part dai pais de Furlanie, e se cumò si torne a ripêrle almanco dula che si a la furlane di no vè marianis tai pâr nol a nissun mâl e nissune ofese paj uditori.

Paraltri si scuon ricognossî che discors pulî par furlan, di chês cjosis che par sôl si tratin tes predi-cis, nol è un zûc: e al une bûne cognossintze dal nestri lenga, une biele prontezze di peraulis, une ciarte pratiche di zûc il discors quan che la peraulis juste no ven sù, e une ciarte misure d'inteligen-ze. Se no, invece di puartâ un van-târ al vulup di chêt nestri lenga si fûs di bastardûl, si met adun une messedanz di peraulis e di costruzzions furlanis e talians, une panade insapuartabil di cjacaradis pensadis par talian e voltadis in furlan li par li, a la miej cu sei.

O credin che la pussibilitât di adât il furlan a l'eloquenze sacre e dependi plui di lû dal lassâ di bande ogni forme di retoriche, ogni inutil concors astrate a rest sul teren di vite pratiche, des cjosis di ogû di, des quistions dal moment, des dibagnis, des peccis, des tristis, dai disolamens, dai pînseris, e des tribulazzions da fore ch'o pas-

sin. E chêt al gârès di jessî ancje il miez plui sigûr par tignî sveade l'atenzion dal uditori e par ripuartâ un qualche risultât.

Chestis considerazzions nus ve-gnin tal cûf intant ch'o lèin un fâs di predijs furlanis scrits a man, ch'o vin cjaladis in qualche archivi parochial de Furlanie. Si trate di robe meide jû cun qualche cure e cun qualche prateze, cul pînser di preparâ alc di sèst, par qualche ocasion fûr dal ordenari, o cu la cussienze di savê scrivi alc ch'al merit conservât. E invece e je robe che in di di nò, a distanze di un secul e mîez, pòc su pòc jû, e fâs vignî i sgriscis. No je nome la grafie, diferente da un oratôr al altri, che puarte qualche intric; aq je nome la manjeance dai pronons pleonastics che, in chêt volte, sa-lacôr no jerin tant doprîs come cumò, e je la tonalitât sbarzade e sglonfe, il moviment dal discors plen d'artificis, il zûc des espres-sions ch'al sa nome di sintassi ta-liane leterarie, la siele di peraulis forestis, ancje dula che si pòdeve doprâ la peraulis furlane, la ridu-zion fonetiche sbolgjate di chêt pe-raulis che par furlan no nò an uce che corrispuindî, e pîs di dui al è il resonament plantât par ajar, lon-tan di ogni concerteze, di ogni a-derenze e realtât de vite, mai ru-midât dal predicjador e simpî: ri-cjalat in qualche model plui vieti o su qualche opave dai «sanz pa-ris»: e je dule cheste «inadual-tât» cheste indeterminatezze, che a cui ch'al è il cû de boce un fre-gul, difilât, e fâs nome adurte e fastidi.

Cûc dut chêt, pe storie de nestre lenghe, nus par che cheste pro-

duzion, juncumê trascurade, anzi inesplorede e nobi la sò impuartan-ze e il so interes: se no altri parcè che — passant parsoze es diferen-zis grafichis — si vîd une uniformi-lât di critenis e di savôr e si sint una vere forme di riduzion letera-rie dal furlan: riduzion che pò jessi judicade cum severitât parvie di chel tant di artificis e di falsitât che a, ma che, in manjeance di mîor, e za tignude prisint.

Il defonî Ugo Pellis al vece scrit za agn, alc di interessant su chêt cont, cu l'intenzion di publicâ qual-chi esemplis di cheste fâse sul Bo-letî de Societât Filologiche; ma nol a vât timp di jû. Se ben che l'argument al è plui adât par une riviste che no par un sfuej come chêt, o provarin nò, cheste volte, a presentâ a cui ch'al il zerejû, quatru o cînc esemplis di chêt len-ga. Ju sîrîs in fra i bocans mancul fastidiôs di chel fâs di predijs ch'o vin pes mans, rispjetant la grafie dai origjals e tocant ca e là nome l'interpunzion. E je robe — daûr la scriture — dai ultins agn dal '700 o dai prins dal '800, in altris peraulis dai tîmps di Napoleon; ma al sarès dibant cûl un riferiment o un ricuart dai fâs di chêt timp in chêtis predijs.

Cheî che lis dñ scrits e son al-manco in tre, come che si pò ri-gjavê de grafie, ma nome di un si-rivo adore di savê il non: pre Tite Fami De' Galli, plevan di Scodo-racje. Cheî altris no dñ nissune indicazion: paraltri, fâsint osserva-zion a qualche particularitât, o credin che un altri di chêt ora-tôr al sei vîd glemôn: ancje i manoscrits ju vin cjalâs fûr in chêt archivi.

G. M.

(PREDICJE DE PASSION: in-vocazion de Crês).

Ah in bon pont vignis, o Crês adorât, mistice schiale di Giacobbe, tunc arvanz dal sanguinolent naufragio dal Celeste Grana! Vi saludi uniche me speranze: o Crês, ave spes unica! Vi saludi come metit (!) dai sospirs dal miô Gesù, come jet penosissim dalla so muart, e come che jo Vi riod on-chiemo chialda del sò sanc preciosisim: prelium pendit saeculi, dimi qual fôrno mai lis afetiosis peraulis che Gesù ti diè nell'at di alargia la mans par abbrazzati? Ecco, ecco — par a mi che ti diues — ecco l'arbul de vite eterne. Ma se arbul di vite, deh danchie abbasse un poc i rams, onde si puedi arrivâ a colz i fruz che stau pendenz di immense caritat: flecte ramos, arbor alto! e così il just si trasdrissi nella so pietât, cresci simpri plui nella divine Grazie, e il pecciator ottignî cum chist miez il pardon de lis soe col-pis. E vo atenz, o uditori, ore alla tragiche scene della dolorose trag-edie della muart che za vi hai an-nunciade dal Nazzareno, che jo sa-râi subit da capo; ed incomenzi.

Pre Tite Fami de' Galli, plevan di Scodracje, 1813.

(UMILIE SUL «PAN SPIRI-TUAL»: esordi).

Jo crot che no sei nell'univers ne-giose plui bizzare del mond nel qual vivin. S. Bernard in un ser-mon sore ches peraulis dai Apue-stu: ecce nos reliquimus omnia, bellissime nûs presente une idee del medesim, e nus descriv a guise d'un pais nel qual e regne une fan arabade, dula ch'è raconte di vei vedât cingh abitant veramentri maz. Ere il prin sullis spondis del mar e sei sfidiave a sgjavê dell'ar-ne, la qual poi mangiave a bogie plene; steve il second sore un lago di solfar e si gioldeve di odorâ chel odor puzzolentissim, che ti lè sca-turive; apoiat alla bochie d'une for-nas vedê il tierz, il qual a gole a-vierite giacave dilettazion di respirâ chez flammis e ches scintillis di fugh arding; il quart ere ascendut sore d'un giampanjli e al faseve o-

gni sinarz par mangiâ aiar, anzi con un gran solet procurave d'in-gosala, essint metut in gîf di vo-lei dut l'air inglati. Finalmentri il quat ritirât in un ganton, rideve sulla matetât dei sei compagns, ri-dicî veramentri angie lui, imper-ciochè cun tante premure agiarez-zave la so giar, che comò si leccave une man, comò un braz, comò une qualche altre part del so cuarp. Mo-vut a compassion il S. Pari di chesg miserabj e riflettind fra se stess ai motifs di une tal matetât pensâ che ciò non derivate se no de gran fan che avevin e rivolzê lor il di-scors: «O miserabj, es us zovinai chez giosis? Chesg no son cibos naturai dell'anime, ma il ver pan è la justizie, e bezz chei che la de-siderin che saran sariis.

(Da origjâl dal Archiv Arcepît di Glemone).

(PA L'INAUGURAZION DI UNE GNOVE GLEISIE PARO-CHIAL: prinzipi).

Finalmentri pes disposizion im-perscrutabilis de Providence Divi-ne, dopo un tant aspiet, si è fat in cheste zornade il solemne tra-spuart de passade Parocchie di San Pieri, ne glesie in cui si giattin. La devôte procession de fedei, che insieme a degnissims ministros del-l'Altar accompagnavin il Santissim Sacrament, la funzion veramentri magnifiche con cui si pî postez di chet tempio nobilissim; l'allegrezze del popûl; lo splendor dei sacros aredos; lis tantis testimo-nianzis di fervor cristian, di sode pietat, che accompagnarin chet faustissim avveniment, forin degnis del popûl di San Pieri e il popûl di San Pieri, guidât dalla sapienze dei sei diretors si è meritât i elo-gios e l'applauso plui sincers. Bene-dete la misericordie dal Nestri Si-gnor!

Sein grazis solamentri a Lui che in un secul tant corot si giati in-gimê cussî fervorose Cristianitât! Ed èccous percî, o miei cristianz, in possess de giosse plui preziose che si vebbi sulla tierre: èccous ne-vestre glesie, ne-vestre parochie. Se mai nell'avengul plasarâ al Si-gnor di fecondâ la uestre giase di gnove prole, cheste glesie la farâ cristiane; se nell'avengul vorês com-

pagiassi, cheste glesie sarâ testimo-nie des uestris promessis; se mai il sat us desolarâ, se us fastidi la troppe ploje, se lis disgraziis, se lis calamitaz puartaran a vo nocu-ment, cheste glesie servirâ a vo di refugio e di consolazion; e in cheste glesie, dopo il passaz del uestri spirt all'altre vite, sarâ presentat il fred cadavar, sarâ sepeit e dor-mirà pacificamentri sin al di del Judai. In cheste glesie saran offeris in tremenz Sacrificis par placâ la divine justizie de- uestris pec-chis irritade; in cheste glesie ve-gnarân i uestris nevôs e prearan pes animis uestris e, riuardansi de uestre giare compagne, traran l'un-gus sospirs e us augu(ran) lagrimant une beade pas e une requie sempiterna.

(Zû di Cjargne: Origjâl tal Archiv di Glemone).

(SERMON PAL PRIN DAL AN: esordi).

Misit me predicare annum Do-mini acceptum (Luc. IV).

Cheî ann del Signor accettêvul ai sei voi, che secont l'odierno Vanzei, fo mandat G. C. a predi-gia, ah si plasê a Dio chel fos par noi il za da poc incominciât! Dût no altris avin angis di vite, cui pocs cui trops, ma podlno noo vantasi d'avein passatz come si do-veva? podlno noo dî che sein angis del Signor e ai sei voi accettêvul? Il S. Giobbe, clamatz un di a gene-ral riviste i angis ch'aveva fin ore passatz, e ben esaminatz, vi giât del vuest assai di plui di chel che credeve, per cui avê ad esclamaa: Ahî mē che i miei angis plens d'in-trics, e gnove e diis plens d'interes e di doglis e priis afat di ben! Cla-min ange noo, o amas i nestris angis a riviste e vi giaterin assai di che confondis: giaterin si un mar-mas di pegiatz e di iniquitatz...

(Origjâl di proprietât dal autôr).

VITORIO GASPARET
diretôr responsabile

Stamparie «A. Manzoni» - Udin

dot. FALESCHINI specialis
MALATHIS DES FEMINIS
E DE PIEL
Contrade Brovedan 6 (fra Piazze
S. Jacum e Contrade Zanon)
10.12.30 - 16.15.30 UDIN -

CJASE DI CURE
«ANALGO»
par aritricis e reumaticis
UDIN
Rive Bartulin n. 1 - Telef. 11.40

SIRIO

SAVONS PAR FA LISSIE

Savons di bon odôr par lavâsi

Doprait **SIRIO** il savon preferit dai Furlans

VOLPE

Microveture a doi puesc'

Lungjezze	m. 2,50
Largjezze	m. 1,02
Pês	m. 1,50
denant	m. 0,85
Careg.	daûr . m. 0,70
Pês	kg. 135
Cilindrade	cc. 124
Motôr di 2 cilindros a 2 tîmps	
Cjavai 6 a 5500 zirs al minût	
Velocitât: fin a 70 km. l'ore	
Rivis che si puedin fâ in pri-me: fin a 25%	
Consum di carburant: 3 litros	
ogûi 100 km.	

* Ruedis indipendentis.

Cambio a 4 marcis indevant e marce indaûr a presceltôr
Costruide de AERO-CAPRONI di Trent - Il coste 275.000 fr.

RAPRESENTANT
par Udin e Gurizze **Rafael Scarton**
UDIN Contrade Del Bon - Telef. 593

Grant assortiment di pulegis in tun e in doi bocons,
di fiâr e di ghise, par dutis lis industriis
Vendite al minûr là de

FONDARIE di Ghise maleabil e azzâr
PLINIO CORBELIN
Udin - Contrade del Bon - Udin

GORI DISTILARIE

TARCINT

I licôrs furlans faz cun robe furlane pai furlans.

VITRUM

DI M. MARTINI

UDIN - Piazze S. Jacum - UDIN

Il plui grant dipuesit

di porcelanis, veris e creps.

Dut ce ch'al covente in tune cjase

tant sclete come di lusso